



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-611-4/24**
Datum: **31.01.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „MP PUPO“ d.o.o. Lukavac za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada u postupku rada objekta klaonice krupne i sitne stoke sa pratećim sadržajima, izgrađene u Lukavcu, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „MP PUPO“ d.o.o. Lukavac, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada i ispuštanje tehnoloških otpadnih voda sa lokacije klaonice krupne i sitne stoke sa pratećim sadržajima, izgrađene u Lukavcu, na zemljištu označenom kao k.č. broj: 1171/5, 1171/8, 1171/9 i 1174 K.O. Modrac, općina Lukavac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „MP PUPO“ d.o.o. Lukavac, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja i rasijecanja životinja, pranjem opreme, uređaja i alata, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se vrši redovno čišćenje uređaja za tretman tehnoloških otpadnih i pratećih elemenata od strane ovlaštene firme, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog proizvodnog kompleksa koji može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta tehnoloških otpadnih voda i oborinskih otpadnih voda, uzimanjem uzorka efluenta iz okna za monitoring iza uređaja za tretman istih a prije ispuštanja u recipijent, u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.6. Ukoliko Vlada propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.8. Otpad koji nastaje u postupku rada klaonice i pogona za preradu mesa sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.9. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.10. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
- 3.11. Da se kod pranja koriste sredstva koja su prikladna okolinskim zahtjevima.
- 3.12. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.14. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.15. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj: EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta „MP PUPO“ d.o.o. Lukavac, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „MP PUPO“ d.o.o. Lukavac, zahtjevom bez broja zaprimljenim dana 02.12.2024. godine se obratilo ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada i ispuštanje tehnoloških otpadnih voda u postupku rada objekta klaonice krupne i sitne stoke sa pratećim sadržajima, izgrađene u Lukavcu, na zemljištu označenom kao k.č. broj: kao k.č. broj 1171/5, 1171/8, 1171/9 i 1174 K.O. Modrac, općina Lukavac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o registraciji upisa u sudski registar broj subjekta 032-0-Reg-11-002234 od 18.11.2011. godine, izdatog od strane Općinskog suda u Tuzli-ovjerena kopija,
- Obavještenje o razvrstavanju pravnog lica prema klasifikaciji djelatnosti broj: 07-32.5-61553/13 od 20.05.2013.godine, od strane Službe za statistiku za područje Tuzlanskog kantona, Grad Tuzla –ovjerena kopija,
- Ovjerena kopija lične karte Jašarević Amira iz Puračića,
- Rješenje o vodnoj dozvoli broj: UP-I/25-3-40-341-4/19 od 12.09.2019. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse u iznosu od 70 KM,
- Rješenje okolinskoj dozvoli izdato od strane Ministarstva prostornog uređenja i zaštite okolice Tuzlanskog kantona, broj: 12/1-19-041010/20 od 18.01.2021. godine –ovjerena kopija,
- Rješenje o odobrenju za građenje, izdato od strane Sektora za prostorno planiranje, obnovu i komunalne poslove, broj: 02/6—03/2-23-1-94/03 od 04.02.2003. godine – kopija,
- Ugovor o preuzimanju i prevozu otpada životinjskog porijekla do lokacije stočnog groblja broj: 15/22 od 14.02.2022. godine sklopljen sa JP „Veterinarska stanica“ d.o.o. Lukavac,
- Ugovor o izvođenju radova-čišćenje septičke jame broj: 02-10-620/09 od 25.03.2009 godine sklopljen sa JP „RAD“ Lukavac,
- Rješenje o vodnoj dozvoli broj 04/1-13-21-25736/22 od 12.08.2022 godine izdato od strane Ministarstva poljoprivrede, šumarstva i vodoprivrede Tuzlanskog kantona,
- Ugovor o zakupu kontejnera broj : 02-10-5997/22 od 02.11.2022 godine zaključen sa JP „RAD“ d.o.o. Lukavac
- Rješenje o odobrenju za obavljanje djelatnosti broj: 04/1-18-20-011705-5/23 od 14.04.2023 godine od strane Ministarstva poljoprivrede, šumarstva i vodoprivrede Tuzlanskog kantona,
- Ugovor o zakupu poslovnog prostora zaključen dana 07.08.2008 godine sa Jašarević rođ. Bektić Fadila kći Čazima iz Puračića,
- Izvještaji o monitoringu kvalitetu i kvantitetu otpadnih voda „MP PUPO“ d.o.o. Lukavac broj: 7-778-7692/24, novembar 2024 godine urađen od strane „TQM“ d.o.o. Lukavac,
- Izvještaj o utvrđivanju tereta zagađenja otpadnih voda izraženog preko EBS-a, urađen od strane „TQM“ d.o.o. Lukavac, maj 2022 godine
- Operativni plan u slučaju incidentnih zagađenja na vodama i priobalnom vodnom zemljištu urađen od strane „TQM“ d.o.o. Lukavac, maj 2022 godine.

B. Tehnička dokumentacija

- Izvedbeni projekat adaptacije, rekonstrukcije i dogradnje poslovnog objekta klaonice sa pratećim sadržajima, Jašarević Fadile, urađen od strane „UNISON“ d.o.o. Tuzla, mart 2002 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-611-3/24 od 24.01.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta- klaonice krupne i sitne stoke sa pratećim sadržajima, pravnog lica „MP PUPO“ d.o.o. Lukavac, nalazi se pored regionalnog puta u Lukavcu, na zemljištu označenom kao k.č. broj 1171/5, 1171/8, 1171/9 i 1174 K.O. Modrac, općina Lukavac.

Lokacija poslovnog objekta nalazi se uz neregulisano korito rijeke Spreče.

Na predmetnoj lokaciji nalaze se cjeline i to: depo za prihvatanje stoke, prostorije za klanje stoke, komore za hlađenje mesa, prostorije za privremeni smještaj kože, prostorija za animalni otpad, prostorije za preradu mesa, kancelarija, sanitarni čvor, taložnik za masnoće, trokomorna septička jama, dubrenka i drugi prateći sadržaji vezani za djelatnost klaonice.

Projektovani kapacitet klaonice je 10 grla/dan sitne i krupne stoke (goveda, telad, ovce, jagnjad). Po izjavi korisnika trenutno se u klaonici vrši klanje maksimalno 5 grla krupne i sitne stoke dnevno.

Snabdijevanje vodom za potrebe predmetnog poslovnog objekta se vrši iz gradskog vodovodnog sistema. Kože se privremeno skladište na predmetnoj lokaciji, a potom predaju ovlaštenoj firmi. Prostor namijenjen za skladištenje kože ima ispušni kanal u kanalizaciju tehnoloških otpadnih voda.

Tehnološke otpadne vode najvećim dijelom nastaju u procesu klanja i od pranja prostorija i opreme. Ove vode se prikupljaju putem podnih slivnika, a potom cjevovodom odvoje u trokomornu septičku jamu sa prelivom te cjevovodom odvoje u rijeku Spreču.

Plivajuće masti i istaloženi mulj uklanjaju se iz komore i odvoze na deponiju. Voda iz komore I se prelijeva u aeracionu komoru gdje se vrši biološka oksidacija organskog zagađenja pomoću mikroorganizama. Iz aeracione komore otpadna voda i mulj odlaze u taložnu komoru gdje odvajaju mulj koji se pomoću zračne pumpe vraća u aeracionu komoru a prečišćena voda preko prelijeva odlazi u sabirnu komoru iz koje se ispušta preko okna za monitoring u rijeku Spreču.

Čišćenje septičke jame se vrši od strane ovlaštene firme JP „RAD“ Lukavac.

Oborinske vode sa manipulativnih površina se odvojeno prikupljaju i bez tretmana ispuštaju u recipient – rijeku Spreču.

Preuzimanje i prevoz lešine, određenih nejestivih nusproizvoda klanja, konfiskata i klaoničkih otpadaka se vrši od strane JP „Veterinarska stanica“ d.o.o. Lukavac, te odvozi na stočno groblje prema sklopljenom ugovoru.

Stajnjak se redovno sakuplja iz štale, u kojoj se privremeno drži stoka do postupka klanja, odlaze u odlagalište đubriva, iz kojeg se odvozi i koristi za podubranje poljoprivrednih površina.

Vrši se odvajanje krvi prilikom iskrvavljenja, sistemom odvojenog prikupljanja u posebne posude te vrši zbrinjavanje prema uputama veterinarske inspekcije.

Rezultati ispitivanja kvaliteta tehnoloških otpadnih voda sa lokacije „MP PUPO“ d.o.o. Lukavac broj: broj: 7-778-7692/24, novembar 2024 godine urađeni od strane „TQM“ d.o.o. Lukavac, zadovoljavaju vrijednosti definisane u tabeli 1. kolona 3. priloga 8. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15., 19. i 20 Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „MP PUPO“ d.o.o. Lukavac, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Agencija za
Nihad Pe
Srećano
Savjetnik
Savjetnik

Nihad Pezo, dipl.inž.građ.

Dostaviti:

- Dostaviti:
- „MP PUPO“ d.o.o. Lukavac, Modrac bb, Lukavac (Prilog-tehnička dokumentacija pod tačkom B obrazloženja ovog Rješenja)
 - ⊙ AVP Sava, ISV-vodna knjiga
 - Org.jed. 50
 - Org.jed. 40-arhiva
 - Oglasna tabla AVP Sava Sarajevo